

使氣今日大槐安國中作一司隸之官統領軍吏數  
百擁衛殿門有故人淳于棼新招駙馬初到朝見不  
免和黃門官在此候駕



前腔 蟻王插花引衆上素錦雪袍朱華玉導紅雲曉槐  
殿裏根苗也引的紅鸞到

朱華一粒戴鰲魚洞府深深小殿居開着五門遙北  
望外頭還似此間無自家槐安國王有女金枝公主  
去請淳于棼爲駙馬想已到來不免升殿宣見黃門  
跪介奏知我王駙馬已到內着右丞相引他升殿黃  
門應介領旨

絳都春序生隨右相上槐陰洞小怎千門萬戶尤市  
三條猛然百步把朱門到段老先生呵怎生金殿上爐  
烟遶右是吾王端嚴容貌看殿頭左右金瓜玉斧明晃  
一周遭

前腔生作怕介猛然心跳便衣衫造次穿朝周弁見介

駙馬行動此殿上等久生呀怎生將駙馬來相叫低

語介喜得周弁也在此向前欲問難親靠右駙馬近

前一同拜舞丹墀下揚塵舞蹈生同俯伏介右微臣

奏復天顏有喜駙馬來朝

黃右丞相起駙馬高聲致詞右相叩頭呼千歲起立

介生跪高聲奏介前淮南軍裨將臣東平淳于棼見

黃門贊拜興拜興三叩頭介黃駙馬俯伏聽令旨王

寡人有女瑤芳封爲金枝公主前奉賢塔令尊之命

不棄小國許以金枝奉事君子生俯伏介千歲千歲

王駙馬且就賓館黃門官唱駕還宮內鼓响道王還

生右跪送殿上初行叔孫禮宮裏纔成公主親並下

總評恭喜淳于得此蟻丈人也今世丈人固如蟻安有

丈人如此蟻者予吾謂此蟻可後堯也

### 第十二齣

聽事官上出身館伴使新陞堂候官前程蛄蟻大禮

色說破

南柯夢記

卷上

三五

數鳳凰窺自家槐安國東華館一個堂候便是我王  
新招駙馬見朝暫停賓館今夕良時往修儀宮與金  
枝公主成親你看一路上擺列金羔銀雁各二十對  
鸞鳳錦綉各百二十雙妓女絲竹之音車騎燈燭之  
艷無不齊備真個天上牛女地下螻蟻也遠望駙馬  
蚤到

上林春生盛服上平步忽登天子堂尚兀自意迷心恍

俺淳于芬有何姻緣得到此間瞻天仰聖說及成親  
一事承賢婿令尊之命此話好不踉蹌我父昔爲邊  
將未知存亡或是北邊番王與這槐安國交好家父

往來其間致成茲事也未可知呀兀的三位女客來  
了

出隊子小旦道扮同老旦貼上鳳冠明漾鳳冠明漾絲  
碧金鈿珠翠香烟絲繡帳晚風颺誰在東華屋裏張呀  
恭喜淳于郎到此生羞避介衆却是淳郎做了阮郎

衆日淳于郎生作揖介小淳于郎比前興了些貼瘦  
了些老向前摸摸他是與是瘦生作羞避介小旦淳  
于郎粗中有細貼笑介還是細中有粗老好一個赤  
琅當五寸長牛鼻子生作不奈煩介老中元之日俺  
們禪智寺天竺二院看舞婆羅門足下與瓊英娘子結

皆以義  
體附驥  
公刻馬  
蝶附馬  
又添一  
家氣

水紅汗巾掛于竹枝之上君獨不憶念之乎生想嘆  
介老俺們曾於孝感寺聽契玄師講觀音經俺于講  
下供養金釵犀盒足下于筵中賞嘆再三顧盼良久  
頗亦思念之乎生想介中心藏之何日忘之小旦不  
意今日與此君遂為眷屬俺們且去修儀宮相候却  
是淳郎做了阮郎下

前腔田子華冠帶引隊于上綵樓賓相綵樓賓相不向  
天臺向下方金枝公主字瑤芳得尚淳于一老郎他帽  
兒光光風流這場

見介田駙馬別來無恙乎謹奉王命來為賓相生子

非馮翊田子華乎田便是生子華何以在此田小弟  
閑遊受知於右相武成侯段公因而栖托在此生周  
弁也在此可知之乎田周弁貴人也職為司隸權勢  
甚盛小弟數蒙其庇護矣生笑介三人俱聚于此庶  
免羈孤之歎可喜可喜紫上駙馬吉時進宮成禮田  
不意今日覩此盛禮願無相忘便請升車紫衣扶生  
升車介雜執燈上行介

前腔衆步圍金障步圍金障彩碧玲瓏數里長花燈引  
道照成行生子華兄咱端坐車中意惚恍田笑介駙馬  
享用禮之當然且自安詳何須悒悒下

前腔貼衆上奏樂戲笑介翠羅黃帳翠羅黃帳夜合宮  
槐覆苑牆偶然同向佛前香粉帕金釵惹夢長生衆上  
介合眼色相將迎歸洞房

生衆作引車避看衆旦下介生子華兄那羣姑姊妹  
各乘鳳輦往來此間便是仙姬奏樂宛轉婁清非人  
間之所聞聽也田吉時將近便好趨行

前腔生仙音淒亮仙音淒亮來往仙姬輦鳳凰似田庭  
哀響隱瀟湘使我心中感易傷田人生如寄聞樂不樂  
何也休億人間相逢未央

前面修儀宮請下車羣仙姊妹紛然在旁小弟告辭

了正是襄王赴神女宋玉轉西家下

總評世上美人如蟻此邦蟻似美人抑奇矣異矣

### 第十三齣

清江引貼衆奏樂上仙家姊妹迎仙眷飛仙鳳輦仙  
樂奏鈞天儀從來仙苑教仙郎下車拜着修儀殿

老旦請公主升殿

女冠子扇遮公主上介彩雲乍展下粧臺回眸低盼纔

離月殿試臨朱戶知爲誰卷繾教人腩腆貼衆笑介老

請駙馬上殿開扇生上天仙肯臨見好略露花容暫

迴鸞扇合這姻緣不淺金穴名姝絳臺高選

可吹溥  
于此日  
竟忘花  
辨乞

老贊拜天地介轉向拜國王國母千歲介贊駙馬拜  
見公主王公主答拜介內使送酒介槐安國裡春生酒  
花燭堂中夜合歡國王娘娘欽賜駙馬公主合卺之  
酒生日叩頭謝恩介老駙馬公主飲合歡之酒介卺  
介

錦堂月生帽插金蟬釵簪寶鳳英雄配合蟬娟點染宮  
袍翠拂畫眉輕線君王命即日承筐嫦娥面今宵却扇  
合拈金盞看綠蟻香浮這翠槐宮院

前腔旦羞言他將種情堅我瑤芳歲淺教人怎的支纏  
院宇修儀試學壽陽妝面號金枝舊種靈根倚玉樹新

連成晚合拈金盞看綠蟻香浮這翠槐宮院

前腔老小貼背介姻緣向雨點花天香塵寶地無情種

出金蓮回介偶語低迴一笑鳳釵微顫你百感生仙宅

瓊漿一捻就兒家禁巒合拈金盞看綠蟻香浮這翠槐

宮院

前腔衆天然玉第亭園王家錦繡粧成一曲桃源窈窕

幽微樂奏洞天深遠背介西明講士女誼壇東華漏王

姬築館合拈金盞看綠蟻香浮這翠槐宮院

衆月上丁

醉翁子簾捲看明月秦樓正滿生把美玉臨風笑拈簫

學子與  
廣陵閣

有可意也

卷上

三六

管今晚烟霧雲鬟家近迷樓一笑看合曾相見是那  
一種瓊花種下槐安

前腔生低介真罕一霎兒向宮闈腹坦想二十四橋玉  
人天遠深淺隻影孤寒怎便向重樓曲戶眠合曾相見  
是那一種瓊花種下槐安

僥僥令槐餘三洞暖花展一天寬記取斜月彎迴笑歌  
顰春壓細腰難愁遠山

前腔淳于沾醉晚滅燭且留殘試取新紅粗如人世顯  
渾似遇仙還雲雨間

尾聲儘今宵略把紅鸞蘸五鼓謝恩了登畫蛾眉去

好个新  
睡懶

鷺班則怕你雨困雲殘新睡懶

集唐 帝子吹簫逐鳳凰 斷雲殘月共蒼蒼  
傳聲莫閉黃金屋 好促朝珂入未央

總評 淳郎淳郎今後只在蟻窟裡受用過日子罷了

第十四齣

賀聖朝 檀蘿王赤臉引隊衆上大地非常變化成團占  
任檀蘿黃頭赤脚瘦接莎牛鬪看成兩下

草味成中國城池隔外邊豈無刀畫地仍有氣冲天

自家乃槐安國東檀蘿國王是也我國東盡白檀西

連紫羅子孫分九溪八洞門戶有百孔千牕藤薛同

淳未校  
淳之字  
去且以  
先真可  
助達也  
一囑也

朝山有木而誰能爭長槐檀一火天有時而豈可鑽  
 先止因他是玄駒咱形赤駁遂分中外致有高低特  
 他如赤象之雄觀我如黍米之細近日得他文書于  
 槐安國上加了一個大字好不小視人也隔江是他  
 南柯郡地方魚米不免聚集部落搶他一番衆演介  
 豹子令同是蟻兒能大多分土分兵等一窩欺負俺國  
 小空虛少糧食不知俺穿營驀澗走如梭合安排個個  
 似螻囉

前腔隔江西畔有一郡南柯他聚積的糧香可奈何要  
 那槐安安不的俺征西旗上也寫着個大檀羅合安排

個個是螻囉

地接羅施鬼

人稱藤甲兵

南柯堪一葦

同去覓臙腥

總評此正所謂蟻闢也而病者以爲牛矣

第十五齣

寶鼎現王引衆上綠槐風小正絳臺清暇日華低照巧

江山畧似人間立草昧暗憑天道生同右相上且喜君

臣遊宴好南郡偶然邊報合看尺土拳山寸人豆馬一

樣打圍花鳥

見介玉樓春王吳頭楚尾我家國臺殿玲瓏秋瑟瑟



此錄史也

生萬年枝上最聲多。報道蚤寒清露滴。右日高風細。爐烟直。洞壑朝天天咫尺。合諸邦蟻伏。盡無虞。惟有檀蘿費裁劃。王昨日覽奏檀蘿侵攪南柯郡界國。久無事人不知兵。右相欲請寡人畋獵龜山。以講武事。不知本朝先世曾有征戰之事乎。右有祖宗朝的故事。事漢乾封元年。曾在河內人家。千人萬馬從朝。至暮而往來。晉太元中。曾在桓謙之家。披甲持槊。沿凡登竈而飲食。元魏天安元年在兗州赤黑相鬪。赤者斷頭而死。東魏武定四年。在鄴都黃黑交戰。黃者班師而薨。此吾國征伐之故事也。王先朝可有畋獵之事。

平右南齊朝曾在徐玄之家。武士數千縱橫於花壇之上。不止火獵兼之水嬉網罟數百。釣于硯山之池。獲魚數百千頭。此我國畋獵之故事也。王獵於龜山者何也。右天上星宿龜為玄武。以此國家講武。應向龜山。王右相言之有理。陪從官員可已。齊脩生已着司隸校尉臣周弁。掌武處士臣田子華。掌文臣。焚與右相段功護。駕王這等。就此駕行行介。

好事近。遊踐海西郊。擺鸞輿。天開黃道。陣旗花鳥。閃開了獸喧禽噪。連天金鼓。山川草木。驚飛跳。揀良時。奏旨施行。圍了內聽。號頭高叫。

到介王此所謂龜山平上隆法天下平地法背有盤  
文以法星宿昔人九月登龜伐鼃良有以也且是豐  
草茂林禽多獸廣長揚上林可以方矣分付六軍大  
煞手打圍衆應領旨介搥鼓殺介射作擒虎介射雁

介

千秋歲展弓刀便有翅飛難道看紛紛驚彈飛砲地網  
天牢地網天牢索撞着掘海爬山神道接着的剽踏着  
的擣騎和步橫又直鈔衆喊介拿倒穿山甲王大笑介  
此俺國世仇也衆任你穿山攪這風毛雨血天數難

逃

尾一為  
好文字

文  
確似此

田處士臣田子華文墨小臣躬逢盛典謹撰大槐安

國龜山大獵賦奏上王奏來田跪念介幽哉大槐安

之爲國也前衿龍嶺後枕龜山龜山者玄武之精也

西望則有西王母之龜峯焉東顧則有東諸侯之龜

蒙焉爾其爲山也其上穹窿其中空同形如巴丘之

蛻骨勢似鰲山之頂蓬草本生其背禽獸穴其胸文

有河洛之數武有介胃之容駙馬都尉臣淳于芬右

丞相段功等仰首嘆曰不休哉龜山鬱鬱葱葱吾王

不遊虎兕出於匣外今日不樂龜王毀於櫝中君王

感焉武功其同是月也涼風至草木隕鷹擊鳥豺祭

獸。君王乃冠通天之冠。被玄衮之袍。佩于將。登華芝。兩師洒道。風伯清塵。因是以左丞侯。右淳侯。率其蟻。附之屬。若大若小。紛紛螿螿。乘玄駒而綴步。趨者始以萬計。金鼓震天。旌旗耀日。雷砲霜刀。風燭雨畢。周圓而陣於七十二鑽之上。時至今。起人喧物華。掛飛猿。趾長蛇。碎熊掌。糜象牙。咀豹文。嘜犀花。髓天鷄。腦神鴉。至於雉兔數萬。他他藉藉。君王未之顧也。最後得一甲獸。蓋鯨鯉雲帶穿山之甲。露浮水之嘴。舐啖至毒。不可勝紀。穴于山腹。火而獻之。君王欣然仰天而嬉。曰。龜山有靈。此其當之矣。寡人鄙小。其敢柔順。

蓋茲山以上石爲玄殼。以草樹爲綠毛。今此之獵。盡矣。乃遂收旗割鮮。鳴鐘舉酒。凱歌而旋。旣醉旣飽。微臣授簡作頌。獻于座右。頌曰。隆隆龜山。龍岡所蔽。玄玄我王。卜獵斯至。非虎非羆。曰雨曰霽。服猛示武。遺臚去智。願以龜山。十年十世。螻蟻微臣。願王千歲。千歲。王大笑介。妙哉賦也。昔漢武皇見司馬相如子虛賦。嘆恨不得與他同時。今寡人與子同時。幸哉好事近。一聲驚破紫霞毫。賦就上林分曉。堂堂一貌。好個田郎京兆。飄飄凌雲氣色。爭高駟馬。這田子華才子。之文不可泯滅。可雕刻在金鑲玉板之上。顯的俺國

南柯夢語  
中有人添故事與龜山榮耀賞他何官則好。笑子虛  
烏有寡人得侍同朝。

右侯今日之獵樂乎右今日以南柯有警講武茲山  
非樂也臣已于國史之上書了一行生怎麼書右大  
槐安國義成元年秋八月大獵於龜山講武事也王  
這等可傳旨再講武一番鼓吹演介

千秋歲演龍韜把猛獸似誅強暴密札札做勢兒圍繞  
演介一點旗搖看一點旗搖齊聲殺上休教流落鈿  
兒罩鎗兒照前頭跳後頭撲着就裏把兵機討看臂鷹  
老手汗馬功勞

王傳旨衆軍罷獵回朝衆應介鼓吹介

越恁好大打圍歸去打圍歸去畢崩崩鼓細敲迸鈺鈺  
點鏡齊悉索齊獲鐸啣喳喳玉簫玉簫間着匹喇喇笛  
聲兒齊嘈嘈喚嘹剪茸茸翠稍齊臻臻馬道兒立着隊  
梢盜纓繳撒袋兒搖一個個把歸鞭裊裊順西風揚疾  
馬上調笑

傳旨懣行介

前腔洒風塵故道風塵故道呆哈哈狡獸挑喘吁吁想  
逃狗兒載鷹兒套宰冷冷樹梢蘸着濕滌滌獸巢兒暫  
蕭條這遭鬧炒炒氣淘打孩孩順哨兒前喝後邀觀禽

貌揣獸臊猛說山川小有這些殺獲不笑窮暴

右奏知俺王已到都門了

紅繡鞋聽諸軍肅靜囉啤囉啤賀君多得腥臊腥臊有  
分例大賞犒毛赤剝肉生燒沾老小祭鎗刀  
尾聲倚長空秋色打圍高暗藏着觀兵演哨衆願萬萬  
歲龜山鎮國寶

王國家大閱禮成駙馬中宮留宴右相可陪衆國公  
王親以下賜宴槐角樓商議南柯一事衆應介

曾濟齊師學陣圖 千人萬馬出郊墟

吾王所饌能多少 一獵歸來滿後車

總評功業文章。人都以為不朽。達人視之。不止蟻窟。事可發大笑。

### 第十六齣

驀山溪生人間此處有得神仙住。春色錦桃源。蚤流入  
秋光殿宇。旦細腰輕展。漸覺水遊魚。嬌波漱灑橫眉宇。  
翠壓巫山雨。

阮郎歸生藕絲吹軟碧羅衣。縷金香穗歸。旦綠總槐

影翠依微。出花宮漏遲。生穿玉境。侍瑤姬。微生遭際

奇。日駙馬阿。和你歡多。怕忘却蚤朝時。歸來人畫眉。

駙馬到此月餘情義日深榮華日盛出入車服賓御

人世免  
三父如  
無一人  
不立樣  
國那裡  
多事

遊宴次於王者意亦可矣然竊觀駙馬當有感眉之意如聞嗟嘖之聲含愁不語却是爲何生小生落魄多年榮華一旦不說傾宮羅綺盡世膏粱且譏貴主嬌姿儘我受用有何不足致動尊懷所以然者遇貴主有天上之樂想亡親有地下之悲耳日這等公婆前過幾年了生婆婆葬在家山禪智橋邊好墓田則你公公可憐也日駙馬試說其情

白練序生心中事待說向粧臺自嘆吁吾先父爲將佐邊頭失誤日原來老老老爺用兵失利可得生還生嘆介身歿日歿在何地生他歿在胡日幾年上有音信生可

十數年來無寄書近來却是古怪日怎的來生前日成親蒙千歲親口分付係俺父親之命那時好不疑惑日便好問俺父王所在了生以前未敢造次直待龜山罷獵留宴內庭纔敢動問千歲既知臣父親所在臣請敬往問安那時千歲劈口應說親家翁職守北土音問不絕卿但具書相問未可便去公主呵何緣故教人平白地暗生疑慮

醉太平生聽語你少年孤露這遇妻所拾得親父生泣介知他北土怎的日既然守土知他那裡歡娛生又泣介俺待稟過公主潛去北土打聽父親消息日模

糊那胡沙如夢香如無不明白怎尋歸路生待俺再奏  
過千歲分明而去且他眼前兒女幾日成親便教卿  
去

白練序生難圖怎教他在北土天寒草枯似俺這洞府  
比他何如且且依父王旨先寄問安書生脚踏空寄書

且也寄此禮物去生泣介要報陽春寸草無且這等  
怎好生泣介賢公主似這般有子等如無物

醉太平且背介真苦他身為贅壻要高堂禮節內家區  
處回介駙馬想起來你在俺國中豈可空書問候奴家

早已做下長生襪一雙福壽鞋一對可同書寄去生

這等生受了且些微針指也見俺一房兒婦生有誰

將去且你修書俺依然送與父王知便千里一時將

去生這等俺即封了書禮只煩公主入宮轉達下情且  
使得奴便與繫書胡雁怎教駙馬不報慈烏

且還一件請問駙馬你如今可想做甚麼樣官兒生

俺酣蕩之人不習政務且卿但應承妾當贊相

尾聲俺入宮闈取禮和你送家書見父王求一新除生

這等做老婆官了且便做老婆官有甚麼辱沒你這

于家七代祖

驥子書猶隔

鸞儔鏡乍輝

綠槐無限好。

能借一枝棲。

總評痴子。今世上只你一個老婆官麼。

第十七齣

遶地遊右相上金章紫綬獨步三台宿。正朝下日移花。

楚看簪髮絲稠帶腰圍瘦無非為國機謀。

方和謀  
國世忠  
凡為和  
亦不可  
有愧此  
信如

平明登紫閣日宴下彤闈未奉君王召高槐晝掩扉。  
自家右相武成侯段功忝掌朝綱留心邊計昨因檀  
蘿數為邊患我主賜宴槐角樓與一眾科道商議奏  
選南柯太守未知意屬何人紫衣官蚤到也紫上書  
漏希傳高閣報君顏有喜近臣知見介段老先生蚤

朝辛苦右恰待文書房相問奏補南柯郡太守一事

旨意可下了紫右侯不得知恰好此本上去正直公

王入宮一來替駙馬寄書令尊二來替駙馬求官外

郡則怕就點了南柯之缺也未可知右這却難道

剔銀燈論南柯跨踞雄州近檀蘿要習邊籌那淳于貴

婿性豪杯酒怎生任得邊州之守合許否心中暗憂宮

庭事又難執奏。

前腔紫論朝綱須問君侯大地方有得干求則一件君

侯疎不問親了他與玉人金屋並肩交肘怎佩不得

黃金如斗合許否心中暗憂宮庭事又難執奏



右許他也索罷了則怕此君權盛之後於國反為不便且是由他

欲除新太守

不少舊英豪

且順君王意

相看兒女曹

總評可笑畏生難道淳于遂不能為螻蟻先驅。

第十八齣

西江引生上本自將門為將偶來王國扶王風流偏打

內家香更有甚中情未講

集唐秦地吹簫女盈盈照紫微可中纔望見花月倚門歸日前公主入宮一來寄書禮於家尊二來替我

求一官職這晚近一路紗燈公主到來也

前腔

日引女官燈籠上幾夜宮闈宴賞爹娘愛惜瑤芳

月高燈火照成行款蹴金蓮步障

見介生公主入宮數晚小生殊覺淒涼書奉家尊可

曾寄去日聽道來

玉胞肚將書傳上父王言禮儀合當即時間人往邊鄉

臨付與叮嚀停當生怕回書遲慢日粗將孝意表高堂

但取平安要怎忙

丑扮小軍上為人莫做軍做軍多苦辛俺小軍從北邊來取了駙馬老老爺平安書不免投上見叩頭介

誰人不  
到此地  
福一海  
于氏之  
父子

小人北邊送書禮老老爺十二分歡喜回書呈上生  
驚喜介介起來起來真個有了回書我的親爹呵捧書  
開看介平安報付男淳于棼呀八個字分明老父手  
筆日你且念書奴家聽生念書介伏承大槐安國王  
前示欲汝尚王得書履襪知盛典成就加以貴王有  
禮喜慰發狂別近廿載朝夕憶念兒以槐序脩國肺  
腑百宜周盛頗憶生平親戚里閭存旺餘幾宜詳再  
信助展遐纒欲往視兒柰彼此路道乖遠風烟阻絕  
父子不見抱恨重重深汝且無便來觀歲在丁丑當與  
汝相見生拍書痛哭介俺的爹相去十七八年只道

故了何意今朝重見平安書迹居然如在不能勾往  
見他要兒子何用也哭倒日扶介駢馬休得過傷

**前腔**生端然無恙如昔年教誨不忘問親隣興廢存亡  
敘風烟悲楚哀傷日約丁丑年相見好了生知他後會  
可能相怎得温衾扇枕床

**粉蝶兒**紫衣捧詔上詔選黃堂捧到秦樓開放

令旨已到跪聽宣讀詔曰昔稱華國左戚右賢文武  
並茂吾南柯郡政事不理太守廢黜欲藉卿才可屈  
就之便與小女同往欽哉謝恩生旦起紫見叩頭介  
恭喜公主駢馬黃堂之尊了千歲還有別旨

王胞肚叫有司停當把太守行裝備詳掌離珠感動娘  
娘出傾宮錦繡奩房日還有衆車騎僕妾都列在廣衢  
傍鸞駕親身餞遠行

前腔生喜介敢前希望憶年時醉遊俠場普人間沒俺

東床奏南柯飲着瓊漿合這是有緣千里路頭長富貴

榮華在此方

尾聲紫從來尚主有輝光你整朝衣五鼓朝廊謝恩了

辭朝做一事講

衆下生多謝公王擡舉有此地方日惶愧惶愧生還

要請教南柯大郡難以獨理加以小生素性酣放意

下要奏請田于華周弁二人同典刑政何如日但憑

尊裁

新命守南柯

恩光照女蘿

明朝有封事

數問夜如何

總評固知老淳于久歸螻蟻之鄉矣

### 第十九齣

生查子紫引隊子上一掌瞰宮墀洞府晨光露萬點止

奔趨遍起了朱門戶

衆將軍上殿俺大槐安國今日駟馬辭朝各官在此

候駕

前腔生朝服捧表上槐殿隱香爐禁幄承恩處五馬更  
踟蹰御道裡開賢路

紫駙馬請上御道生跪介新除南柯郡太守駙馬都尉臣淳于棼謝恩即日之任敬此辭朝生三叩俯伏介紫駙馬謝恩表就此披宣生臣此表章不止謝辭恩寵兼之舉薦賢才伏望俺王聽啟

桂枝香念臣將門餘子素無材術誠恐有敗朝章至此心慙覆餗待廣求賢士廣求賢士備臣官屬與臣咨助  
紫駙馬所薦何人生伏見司隸潁川周弁忠亮剛直有毘佐之氣處士馮翊田子華清慎通變達政化之

源二人與臣有十年之舊備知才用可託政事周弁請署南柯郡司憲田子華請署南柯郡司農庶使臣政績有聞憲章無紊念臣愚願得從銓補南柯治有餘

紫駙馬起候旨生起介想今旨必然俯從周司隸田秀才有此遭際也內令旨到駙馬薦賢爲國寡人嘉悅依奏施行生叩頭呼千歲起介

神仗兒周田上蒙恩點注蒙恩點注南柯太守淳郎推舉做司憲司農前去來闕下叫山呼

跪介新除南柯郡司憲前司隸臣周弁新除南柯郡

司農處士臣田子華叩頭謝恩叩頭呼千歲起介相  
見介生二君恭喜了周田謝堂翁擡舉之恩紫駟馬  
便當起程國王國母蚤已關南有棧

集唐 濯龍門外王家親 半歲遷騰依虎臣  
却羨二龍同漢代 出門俱是看花人

總評衆蟻之中此三人耳痒人痒人

### 第二十齣

二紫衣上玉樓銀榜枕嚴城翠蓋紅旂列禁庭二聖  
忽排鸞路出雙仙正下鳳樓迎今日國王國母親送  
駟馬公主王之任南柯鸞輿蚤到

傳言玉女王同老日引宮娥上玉洞烟霞一道晴光如  
畫回首鳳城宮院見琉璃碧瓦衆宮娥侍長半插貂獬  
隨駕合送一對于飛鳳嬌鸞姹

紫衣見介千歲千歲王筵宴齊備麼紫俱已齊備王  
已勅有司備辦太守行李紫行禮整齊宮娥娘娘傳  
旨房奩金玉錦繡車馬人從都要列於通衢之上許  
萬民縱觀紫知道

疎影生日上冠裳俊雅正瑤臺鏡裏鳳粧濃乍日好夢  
分明素情嬌怯慢引香車隨馬紫推介君王國母親臨  
餞快疾着綠槐幢下合真乃是夫貴妻榮一對堪描堪

畫。

紫衣報介駙馬公主見生日旦俯伏介微臣夫婦沾恩  
遠勞聖駕無任誠懽誠忭誠惶誠恐王本不忍處卿  
於外南柯有卿免寡人南顧之憂耳老旦泣介俺的  
公主兒遠行苦也旦作泣介俺的親娘呵王在家為  
公主出嫁為郡君有何所苦而泣乎生日叩頭介微  
臣恭受鴻私願大王國母千歲千歲千歲王願汝  
夫婦同之生日進酒介

畫眉序王晴拂御溝花。祖塋城南動杯竿。儘關南一面。  
借卿彈壓。憑仗你半壁門楣。看覷俺一分天下。合南柯

太守風流煞。一路裡威儀瀟灑。

老公主呵今日南柯便是你家了俺宮中寶藏盡作  
賠奩你看通衢之上呵

前腔雲樹玉交花。日影光輝度塵罅。但閨房所要盡情  
相把擺天街色色珍奇出關外。盈盈車馬合南柯太守  
風流煞。一路裡威儀瀟灑。

前腔生平地折宮花。大郡猥當嘆才乏。便尋常餞送敢  
煩鸞駕祝太山。太水千秋喜治國治家。一法合南柯太  
守風流煞。一路裡威儀瀟灑。

前腔日生小正嬌花。酬謝東風許花發。但隨夫之任賜

粧如嫁因夫主占了兒家爲郡君將離膝下合南柯太守風流煞一路裡威儀瀟灑

生日跪介微臣何德煩動至尊敢問南柯以何而治  
王南柯國之大郡土地豐穰民物豪盛非惠政不能治之况有周田二卿贊治卿其勉之以副國念生叩頭介微臣謹遵王命老公主行矣聽母親一言淳于郎性剛好酒加之少年爲婦之道貴乎柔順爾善事之吾無憂矣南柯雖封境不遙晨昏有聞今日睽別寧不沾巾老同日泣介日謹領慈命拜別介

滴溜子王南柯郡南柯郡弗嫌低亞公案上公案上酒

杯放下有脚的陽春五馬休只管戀着衙長放假他那裡地方人物稠雜

王傳旨鼓吹旗幟送過長亭行介

鮑老催衆街衢鬧雜街衢鬧雜鸞輿直送仙郎發秦簫吹徹鸞同跨看乘龍乘的是五花馬君王駙馬多懽哈則娘娘公主悽惶煞留不住雙頭踏

衆千歲爺過長亭了王終湏一別驢馬公主勉之生日俯伏介微臣夫婦不敢有忘願我玉娘娘千歲千歲千千歲生日下王傳旨回宮

雙聲子衆力力喇力力喇都是些人和馬齊齊咋齊齊

昨兩下裡吹和打嘻嘻哈哈嘻嘻哈哈去了價去了價向槐  
陰路轉數點宮鴉  
尾聲看他們時至氣化一鞭行色透京華似這樣夫妻  
人世上寡

集唐 雙鳳銜書次第飛

瓊簫暫下鈞天樂

駸駸羽騎歷城池  
今日河南勝昔時

總評太山太水情誼至此至矣極矣可以人而不加蟻

平。

### 第二十一齣

字字雙丑扮府幙官上爲官只是賭身強板障文書批

點不成行混帳權官掌印坐黃堂旺相勾他紙贖與錢  
糧一搶

自家南柯郡幕錄事官是也闕下正堂小子權時署  
印日高三丈還不見六房站班可惡可惡

前腔扮吏上山妻叫俺外郎外郎猾浪吏巾兒糊得翅

帮帮官樣飛天過海幾椿椿蠻放下鄉油得嘴光光

介銷贖

丑惱介咄幾時不上公堂望搖擺擺來銷贖莫非

欺負俺老權官教你乞拷在眉毛上吏跪介恩官與

頭忒莽撞百事該房識方向作送鷄介下鄉袖得小



嘗以宗  
核大的  
律這故  
又立宗  
以爲了

此等雜  
或淫家  
淫淫鬼  
白未若  
書生自  
以爲此

鷄公送與恩官五更唱丑好個鷄兒鷄兒吏聽得老  
 爺好睡覺出堂忒遲因此告狀的候久都散了小的  
 想起來老爺寸金日子不可錯過小的下鄉撈的兩  
 隻小鷄母的宰了公的送爺報曉一日之計全在于  
 寅丑有有意思有意思我的都公請起丑跪扶吏起介  
 我從來衙裡沒有本大明律可要他不要吏可有可  
 無丑問詞訟可要銀子不要吏可有可無丑惱介不  
 要銀子做官麼吏爺既要銀子怎不買本大明律看  
 書底有黃金扮報子上見介飛報送上丑看報介右  
 相府一本南柯缺宮事奉令旨駙馬淳于夢有點呀

新官到了寸金日子丟在那裏報駙馬爺馬牌到丑  
 叫各房打理迎接吏都有舊規丑舊規不同要起駙  
 馬府公主殿要珍珠轎綃金傘女戶扛擡吏小的知  
 道如今事體迫了爺兩隻手標票兒纔好丑作兩手  
 標票介吏一票叫吏房知會官吏一票戶房支放錢  
 糧一票兵房差點吹手阜快轎馬勘合一票禮房知  
 會生儒耆老僧道又要幾個尖嘴的教坊丑要他怎  
 的吏會吹一票刑房查點囚簿送刑具一票工房修  
 理府第家火第一要個馬子線香丑這緩得些吏奶  
 奶下了轎滿地跳一票架閣庫整頓卷宗交代一票

承發科寫理脚色憲綱一票雜辦吏鋪壇結絲一票  
帶辦吏送心紅紙張一票各馬驛下程中火一票各  
社總選門子要一丈三尺長丑太長了吏新太爺還  
長一丈八一票娘娘廟借珍珠八角轎傘一票表子  
鋪借鋪陳臘粉馨香丑這個使不得要星夜製造纔  
是

亭前柳此郡鎮南方前任總尋常緣何差駙馬甚樣有  
輝光合憲綱前件開停當分付該房湏急切要端詳  
前腔珠翠縷金裝怕沒現錢糧吏沒錢糧有處因公且  
科派事後再商量合憲綱前件開停當分付該房湏急

切要端詳

權官纔打劫

正官便交攝

支分各色人

遠遠去迎接

總評真個紛紛如蟻

第二十二齣

集唐隊子上結束征車換黑貂行人芳草馬聲嬌紫  
雲新苑移花處洞裡神仙碧玉簫請了俺們駕上差  
來護送公主駙馬爺南柯赴任去迤邐數程公主駙  
馬起早也

滿庭芳

生日旦衆上紫陌塵閑畫橋風淺鸞旗影動星躔

詞家  
助  
伶  
笑  
華

日朝雲濃淡。行色映花鈿。爲問夕陽亭。下鸞輿。慘  
動離筵。合關南路。春暉綠草。何日再朝天。

木蘭花令宮花欲喚流鶯住。恰是南柯遷鶯處。繡簾  
嬌馬出都城。寶蓋斜盤金鳳縷。○華年得意頻相顧。  
笑問卿卿來幾許。綠槐風軟度行雲。回首沁園東畔  
路。生公主自拜辭了君王國母。不覺數程。此去南柯  
相近了。左右。趨行。行介

甘州歌。宮闈別。餞擺五花頭踏。迤迤而前。都人凝望。十  
里繡簾高捲。四方宦遊誰得選。一對夫妻儼若仙。合青  
袍舊。綠鬢鮮。大槐宮裏着貂獬。香車進寶馬連。一時攜

手笑嫣然。

扮官吏上。南柯郡錄事差官吏投批迎接爺爺生取  
看介發批迴前去伺候官吏應介

前腔。生。宮花壓帽偏。問有何能德。紫綬腰懸。玉樓人並。  
翠蓋綠油輕展。指揮風景遲去輦。爲惜流光懶下鞭。合  
携琴瑟。坐錦鞵。一條官路直如絃。遊春樣。盡世緣。秦樓  
簫史美雲烟。

衆稟爺南柯郡界了。丑南柯郡錄事參軍迎接老大  
人生遠勞了。丑不敢有新轎織兵衛男女轎夫齊站  
下班迎接生知道了。就回。丑應下。內介合郡官吏迎

此國人  
民如魚

接翁翁生起去伺候內介生儒迎接老大人生請起  
郡中相見應介內僧道耆老迎接翁翁生都起去內  
教坊女樂們迎接翁翁生贊行眾妓鼓吹引介  
前腔鸞鈴動翠鈿。看滿前旗影冠佩。翮聯爭來迎。跪陌  
上紅塵深淺。邦君夫人鸞鳳侶。父老兒童竹馬年。合軍  
民鬧。士女誼。妓衣時襍紫衣禪。彈箏觀擊鼓。傳錦車催  
怕日華偏。

生遠遠望見如烟如霧鬱鬱葱葱者是何地方眾十  
里之近南柯郡城生公主真好一座城臺

前腔遙遙十里前。見葱葱佳氣非霧非烟。雉飛鸞舞臺。  
觀疊來蒼遠。似蘭亭景幽。圍翠嶺春穀泉鳴。浸玉田。介  
山如畫。水似纏。自憐難見此山川。重門擁旌旆。懸玉樓  
金榜洞中天。

內燈籠接上介眾稟太爺進城生今夕公館休息五  
鼓陞任

尾聲閃紗燈。一道星毬轉。曜街衢。檠戟森然。公主和你  
且把下馬公堂笑鋪展。

集唐 露冕新承明主恩。  
笙歌錦繡雲霄裡。  
山城別是武陵源。  
南北東西拱至尊。

總評 昔聞雌螭一枝。今又見螻蟻一枝矣。

柳浪館批評玉茗堂南唐書卷上  
終

